

消散何病之有也愛民治國能無爲乎民喻精氣國喻身也
無爲則心虛心虛神凝神凝氣聚氣聚神和而吾之身民安
國治矣天門闔關能無雌乎天門喻心闔關喻動靜雌者陰
情也而人豈不運心應物哉但無陰私情妄以障其心耳明
白四達能無知乎人之聰明仰觀俯察通照物情無幽不燭
何理不明孰能終日如愚無識無知也聖人仁愛及物有生
之類莫不仁而愛之蓄而養之故曰生之蓄之也知生之爲
寄而不厚其生故曰生而不有也修齊治平分內事也何功
之有故曰爲而不恃也雖居於萬民之上亦不知我之爲尊
何大之有故曰長而不宰也此皆聖人中心行道著見爲德

道藏輯要

道德上經釋辭

主

心集九
又川上

人人得而見之也故知聖人之德順理而爲無有一毫人欲
私智增損於事物之上一切出於自然是故謂之玄德

三十輻章第十一

三十輻共一轂當其無有車之用埏埴以爲器當其無有器之
用鑿戶牖以爲室當其無有室之用故有之以爲利無之以爲
用

古人制器尙象車輪形圓象月其輻三十一月之數也轂者
虛中轄軸運輸以行地也埏埴和土成泥以爲器也戶者室
之穴也牖者通明處也無謂虛也車之無轂不能運行器不
中虛何以乘受室無戶牖其能出入車器室皆實有之利故

曰有之以爲利也車之轂器之虛室之戶牖虛通而爲之用
故曰無之以爲用也是故凡物之有形以爲利者皆賴無形
之妙以爲用也譬喻吾身有形也而其中有無形者而爲之
用豈特吾身凡天地萬物皆然也胥元一曰聖人言三十輻
共一轂以至於器室之論蓋使學者體物之身匪徒事於文
也車器室之理先賢論之亦詳不復贅言若夫體物知身則
言之者鮮體物知身之說譬頭目耳鼻口體手足共成其身
雖然各有攸司乃塊一物也而其知覺運動視聽言嗅皆在
於吾而求吾之一字竟莫能指其端的處豈非無位之吾而
爲有數之身用哉此有之以爲利無之以爲用也

道藏輯要

道德上經釋辭

三

心集九
又川

五色令人章第十二

五色令人目盲五音令人耳聾五味令人口爽馳騁田獵令人
心發狂難得之貨令人行妨是以聖人爲腹不爲目故去彼取
此

人之初也性無不善渾然天理而精神魂魄意之五神安藏
於心冥然不見自能食能言而生識神便溺於見聞而迷其
真至於日積月累習染漸深元初鑿矣及其長也惟以名利
是求聲色是好業力勝而道力微人欲熾而天理滅蓋因眼
耳口心意五者爲之蠱也貪色不反以傷其神故曰盲貪聲
不反以傷其精故耳聾貪味不反以傷其真爽失道味馳騁